

PRIJEDLOG !

Na osnovu člana 6. stav 1. tačka 3., te člana 20. Stav 2. Zakona o koncesijama („Službene novine Kantona Sarajevo“ br. 27/11 i 15/13), člana 13. Zakona o principima lokalne samouprave u FBiH („Službene novine FBiH“ br. 49/06 i 51/09), člana 55. tačka 2. Statuta općine Ilijaš – prečišćeni tekst („Službene novine Kantona Sarajevo“ br. 20/09) i člana 99. Poslovnika o radu Općinskog vijeća Ilijaš („Službene novine Kantona Sarajevo“ br. 2/10 i 18/15), Općinsko vijeće Ilijaš na svojoj ____ sjednici, održanoj __. __. 2017. godine, donijelo je :

ODLUKU

o davanju prethodne saglasnosti u postupku dodjele koncesije za izgradnju hidroenergetskog objekta na području općine Ilijaš

Član 1.

Daje se saglasnost privrednom društvu „SARAJEVO INTERNATIONAL“ d.o.o. Sarajevo, sa sjedištem u ul. Dobroševića br. 51b – Sarajevo, Sarajevo-Novigrad, za pokretanje procedure dodjele koncesije za izgradnju hidroenergetskog objekta-mini hidroelektrane na rijeci Bosni i to :

- mHE PODLUGOVI, instalisane snage do 5 MW, na potezu Kadarići-Podlugovi

Član 2.

Saglasnost se daje uz sljedeće uslove :

- nema plavljenja površina izvan vodnog pojasa ;
- nema promjena u kvaliteti vode ;
- nema ugrožavanja socijalno-kulturnih resursa ;
- nema relokacije stanovništva ;
- nema izmještanja postojećih saobraćajnica ;
- da je osigurana zaštita flore i faune ;
- da se uz prostor akumulacije uredi komunalna infrastruktura ;

Član 3.

Saglasnost prestaje da važi ako privredno društvo „SARAJEVO INTERNATIONAL“ d.o.o. Sarajevo u roku od dvije (2) godine od dana stupanja na snagu ove Odluke ne sklopi koncesioni ugovor.

Član 4.

Odluka o davanju prethodne saglasnosti se uslovljava uplatom jednokratne naknade u korist Budžeta općine Ilijaš u iznosu od 100.000,00 KM kao garant za ozbiljnost izvršenja svojih obaveza, a koja će se realizirati na sljedeći način :

- 50.000,00 KM u roku od 15 (petnaest) dana od dana donošenja Odluke ;
- 50.000,00 KM u roku od 15 (petnaest) dana od dana sklapanja koncesionog ugovora;

Sredstva iz stava 1. ovog člana utrošit će se za realizaciju infrastrukturnih projekata na području MZ Podlugovi.

Član 5.

Odluka stupa na snagu danom objavljivanja u „Službenim novinama Kantona Sarajevo“.

Broj :
Ilijaš,

PREDSJEDAVAJUĆI
OPĆINSKOG VIJEĆA
Mahir Dević, Prof.

OBRAZLOŽENJE

Privredno društvo „SARAJEVO INTERNATIONAL“ d.o.o. Sarajevo obratilo se svojom samoinicijativnom ponudom za izgradnju hidroenergetskog objekta – mini hidroelektrane na rijeci Bosni, na lokalitetu Podlugovi, te u prilogu svog zahtjeva dostavilo :

- Stručno mišljenje Zavoda za planiranje razvoja Kantona Sarajevo
- Izvod iz prostornog plana Kantona Sarajevo
- Dokumentaciju o registraciji privrednog društva
- Idejno rješenje
- Studiju opravdanosti dodjele koncesije

Pravni osnov za donošenje Odluke o davanju prethodne saglasnosti prevashodno se nalazi u odredbama Zakona o koncesijama (Službene novine Kantona Sarajevo br. 27/11 i 15/13), u okviru kojeg je članom 6. propisano šta sve može biti predmet koncesije, odnosno u konkretnom slučaju stav 1. tačka 3. navedenog člana je propisao da predmet koncesije može biti „izgradnja i/ili korištenje objekata u oblasti energetike i energetske medija (hidroenergetski objekti, termoelektrane, termoelektrani, vjetroenergetski objekti, cjevovodi) instalirane snage do 5 MW“. Nadalje navedeni Zakon svojim odredbama u okviru člana 20. stav 2. je propisao da u slučaju samoinicijativne ponude ponuđač pored studije opravdanosti je dužan da dostavi dokaze o riješenom prethodnom pitanju – saglasnost općinskog vijeća za provođenje postupka dodjele koncesije.

Također, pravni osnov za donošenje se nalazi se u članu 13. stav 1. Zakona o principima lokalne samouprave (Službene novine Federacije BiH" br. 49/06 i 51/09) kojim su po principu enumeracije nabrojane nadležnosti Općinskog vijeća, te odredbama člana 55. i 104. Statuta Općine Ilijaš ('Službene novine Kantona Sarajevo' br.20/09) kojim su propisane nadležnosti Općinskog vijeća za donošenja akata i drugih propisa, odnosno u konkretnom slučaju navedene Odluke, kao i odredbama članova 99. i 102. Poslovnika Općinskog vijeća Ilijaš ("Službene novine Kantona Sarajevo" br. 2/10 i 18/15) kojima je propisano koje vrste akata donosi Općinsko vijeće.


Općina Ilijaš je razmotrila predmetnu ponudu, te ocijenila da kao garant za ozbiljnost izvršenja svojih obaveza–izgradnje i puštanja u funkciju predmetnog objekta, postavi uslov uplate jednokratne naknade u iznosu od 100.000 KM, te isto ugradila kao uslov u predmetnu odluku, a o istom će se potpisati sporazum između Općine-Općinskog načelnika i ponuđača.

U skladu sa naprijed, a kako postoji interes Općine Ilijaš koji se prevashodno ogleda u ostvarenju prihoda od koncesione naknade tj. 60 % prihoda po osnovu ostvarene koncesije pripada Budžetu Općine, to i predlažem Općinskom vijeću da usvoji navedenu Odluku.

PREDLAGAČ
OPĆINSKI NAČELNIK
Akif Fazlić, dipl.ecc.

mHE Podlugovi

**Hidroenergetsko iskorištenje rijeke Bosne
na području Općine Ilijaš
-studija opravdanosti dodjele koncesije-**




Tabelarni pregled osnovnih parametara usvojenog rješenja


mHE Podlugovi - 3,82 MW

Srednji godišnji proticaj	$Q_{gr} (m^3/s)$	35,40
Instalisani proticaj	$Q_i (m^3/s)$	51,00
Raspoloživi bruto pad	$H_{br} (m)$	8,50
Tip i broj turbina	Kaplan „S“, 3	
Proticaj po turbini	$Q_t (m^3/s)$	17,00
Snaga po turbini	$P_i (kW)$	1274
Godišnja proizvodnja	$E_{god} (GWh)$	18,15
Kota gornje vode	mn.m.	439,50
Kota donje vode - Q_{inst}	mn.m.	431,27
Ukupna investicija	KM	15.9062.078,00

Pregradni profil - brana sa strojarom



Širi položaj elektrane sa akumulacijom



Položaj elektrane sa akumulacijom



Karakteristike akumulacije

Kota normalnog uspora	439,50 mn.m.
Konstantni radni nivo	439,50 mn.m.
Površina akumulacije na koti normalnog uspora	175 200 m ²
Zapremina pri normalnom usporu	659 340 m ³
Dužina akumulacije	2820 m
Srednja širina akumulacije	60 m
Maksimalna širina akumulacije	cca 130 m

Predviđeno rješenje omogućava minimalni gubitak obradive površine kroz stalno plavljenje (oko 5000 m²) te gubitak drveća i žbunja u i oko postojećeg korita. Također, uređenjem korita se značajno smanjuje rizik od nastajanja šteta za vrijeme velikih voda (poplava).



Dobit za lokalnu zajednicu i nadležni kanton

- U toku realizacije **investicije** od 15.582.000 KM, u godini realizacije biće angažovano preko 100 radnika različitih profila, građevinci, montažeri, mašinski, elektro i informatički inženjeri koji će jednu godinu raditi i boraviti u lokalnoj zajednici.
- Preko **50%** investicije **realizovati** će se sa domaćom opremom i materijalom.
- Nadležna lokalna zajednica i kanton, primiti će koncesionu naknadu od 5% što iznosi 127.237,00 KM prosječno godišnje.
- Nadležno vodoprivredno preduzeće primiti će vodoprivrednu naknadu 2%, što iznosi 50.895,00 KM prosječno godišnje.
- Na prostoru lokalne zajednice stvarati će se nova vrijednost na godišnjem nivou u iznosu od cca 2.544.741,00 KM što daje porez na dodatnu vrijednost (PDV) od cca 432.600,000 KM, te poreza na dobit koji je određen pozitivnim zakonskim propisima.
- Investitor se obavezuje da će učestvovati zajedno sa Općinom Ilijaš u projektima koji su bitni za razvoj lokalne zajednice, te će ostvariti saradnju sa lokalnim Eko udruženjima.
- Lokalna zajednica i bliže okruženje objekta mHE imati će značajno poboljšane naponske prilike i stvorene uslove za razvoj druge proizvodnje (npr. industrijske zone).

O investitoru Sarajevo International d.o.o

Firma Sarajevo International d.o.o. je već dugi niz godina prisutna kao investitor na Bosansko-Hercegovackom tržištu.

Kompanija se bavi privrednim istraživanjem, konsaltingom, energetikom, turizmom a partnerske firme se bave proizvodnjom organske hrane, građevinskim djelatnostima i trgovinom nekretnirarna.

U okviru firme Sarajevo International d.o.o. registrovana je i veoma uspješno radi turistička agencija.

Osnivački kapital firme Sarajevo International d.o.o. čini 3.420.000,00 KM a ujedno je većinski vlasnik firme EKO-REM d.o.o. Sarajevo koja se bavi proizvodnjom električne energije iz obnovljivih izvora energije i u vlastništvu ima dvije male hidroelektrane, prva je MHE Kosova na Kosovskoj rijeci snage 500 kW koja je trenutno u probnom radu, a druga je MHE Jabuka snage 700 kW na rijeci Kolina Općina Foča-Ustikolina koja je u fazi izgradnje. Pomenute investicije su u iznosu od 5.000.000,00 KM. Firma Sarajevo International d.o.o. je do sada investirala preko 10.000.000,00 KM vlastitih sredstava u razne projekte u Bosni i Hercegovini, a spremna je investirati dodatano još 30.000.000,00 KM u Općinu Ilijaš.

Kada je Bosna i Hercegovina u pitanju firma Sarajevo International d.o.o. je zainteresovana za investicije u energetskom sektoru, a posebno za ulaganja u izgradnju malih hidroelektrana, vjetro elektrana i solarnih elektrana na području cijele Bosne i Hercegovine.

Hvala na pažnji !

